



ახალი

სიტყვა

№ 3.

ორკვირეული ქუჩისა.

№ 3.

შემდეგი № გამოვა 30 აპრილს ახალი სტილით.

მიიღება ხელის მოწერა სასულიერო მთავრობისაგან დამოუკიდებელ ორკვირულ ჟურნალ „ახალ სიტყვაზე.“ ჟურნალის მიზანია ჩვენის ეკლესიის ცხოვრების განახლება წმ. სახარების ნიადაგზე და ბრძოლა უსამართლობასთან და ფარისევლობასთან სასულიერო უწყებაში.

ჟურნალში თანამშრომლობაზე თანხმობა განუცხადეს რედაქციის: დეკ. კ. კეკელიძემ, კ. ცანცაძემ, ბ. ვასილ ბარნოვმა, ი. ბერიაშვილმა, მღვდ. ი. შუბლაძემ, ლ. წულაძემ, ებ. ჩხაიძემ, კ. ჯავახიამ, კ. გძელმა, ქრ. ციციქიშვილმა, ბ. ახუთელმა, ჯაჭვაძემ, ხოსროიანმა და სხვ.

ხელის მოწერის ფასი ნახევარის წლით ცხრა შანეთია. ცალკე ნომერი ოთხი აბაზი. საგამომცემლო ამხანაგობის გადასახადი ათი თუმანია.

რედაქცია სთხოვს სამრევლო საბჭოებს, შეგნებულ სასულიერო და საერო მორწმუნე პირთ დახმარება აღმოუჩინონ მას ჟურნალის გამოწერით და ერთ დროული შემოწირულობით სარედაქციო ფონდისათვის.

ფული მიიღება რედაქციის მოლარე დეკ. ანტონ თოთბაძესთან: ტფილისი, სიონის ტაძრის ეზოში.

სარედაქციო მასალები და წერილები უნდა გამოიგზავნოს სარედაქციო კოლლეგიის რწმუნებულ მღ. ქრ. ციციქიშვილთან: ტფილისი, კაბგეროვის ქუჩა, № 47. რედაქცია იმავე ქუჩაზე: № 51.

ტფილისი 31 მარტს

ჩვენი ჟურნალის არსებობამ, როგორც მოსალოდნელი იყო, ზოგიერთნი ძალიან გაანაწყენა. ამბობენ ეს სასულიერო მთავრობისაგან დამოუკიდებელი ჟურნალი არ უნდა არსებობდეს, რადგან ის განხეთქილების და შფოთვის ნიშანი და მიზეზი იქნებაო. ჩვენდა სასიხარულოდ, შეგნებული ნაწილი სამღვდლოებისა ასე არ უცქერის საქმეს და საჭიროდ სცნობს ასეთს ორგანოს არსებობას. მართალიც არის, ოფიციალში, რაც უნდა კეთილი განწყობილი იყოს საერთო საქმისადმი, ისე თავისუფლად და, საჭიროების მიხედვით, მოურიდებლად ვერ აღიმადლებს სიმართლის ხმას,

როგორც სასურველია. და სადაც დამოუკიდებელ სიტყვას გასავალი არა აქვს, იქ პაერი სქელდება, ჩნდება კაობი, სიმყრალეში მოქცეულად ქვეშდრონი და ბაყაყები ამას ვხედავით დღემდისაც და ვხედავთ დღესაც, მიუხედავით მრავალ სართულიან თავისუფლებათა. აბა დააკვირდით რა უმსგავსი სახის ბლამიანებმა, ვითომ სასულიერო პირებმა, წაშოყვეს თავი, და მოიკალათეს იქ, სადაც შეთანხმებული მუშაობა შეიძლებოდა განხლებულიყო, რათ ხდება ესა?—იმიტომ რომ შეცდომა ჩავიდინეთ. და ყოველ შეცდომას დანახვისა და შეგნების გარდა უნდა ხმაშაღლა თქმა კიარა, ყვირილი. შეცდომა კი ყველას

მოუფა, როგორც კერძო კაცს, ისე საპატიო კრებულსაც. ამას გვასწავებს ისტორია და ყოველ დღიური ცხოვრება. რა ვუყოთ, რომ ეს, თუ ის პირი გარისხდება, როცა მის ღერსება — უღირსებას შეეხებოდნენ. ძალიან ხშირად რისხვა სიმტყუენის ნიშანია ხოლმე. თუ ვატყობთ, რომ ესა, თუ ის პირი მავნებელია და არ შეეფერება თავისს ადგილს, გვა მშვიდობისა უნდა დაეფლოცოთ და თუ ნებით არა, ძალით უნდა მივაბრძანოთ.

საქართველოს ეკლესია ისეთს კრიტიკულ მდგომარეობაშია, რომ მას ეჭირება არა შაბლონური მოღვაწენი, რომელთაც რუს ეპისკოპოს-მიტროპოლიტების ბაძვით, ჰგონიათ რომ შეიძლებოდათ ეკლესიის მმართველობის მთელი სიბრძნის ამოწურვა. საეკლესიო მოღვაწეობად ვერ გამოდგებიან განდიდ. მადით დასწეულეულებული პირები, ვერც ისეთნი, რომელნიც გუნდრუკს უკმევდენ „უწმინდეს და უმართებელესს“ სინოდს, მის წევრებს და ობერპროკურორებს და მუდამ მათ შორის ცდილობდენ ტრიალს, როდესაც კი მოახერხებდენ ხოლმე ამას. ეკლესიის მესვეურად არ გამოდგება დღეს არც ისეთი პირნი, რომელნიც საქართველოს ეკლესიის აყვავებას ჰხედავდენ სინოდის რეჟიმის ხელქვეითობაში და არ რცხვენოდან მთელი დიდი ტომები ესტამბათ სინოდის და რუს ეგზარხოსების სახოტბოდ. საქართველოს ეკლესიას ვერას შემეტებს ისეთი პიროვნებანიც, რომელნიც მუდამ რუსეთისაკენ იცქირებოდენ შემოსავლიანი ეპარქიები ემოვნათ და ამისათვის ახერხებდენ თავისს „თან დაყოლილ“ ნიჭით, რომ გრიშკა რასპუტინის სალონშიაც კი ამოეყოთ თავი... ასეთი პირები უნდა გაშორდნენ საქართველოს ეკლესიას. ამათანა ადამიანებს არც საქართველოს ეკლესიისათვის და არც ხალხისათვის არასოდეს არ შესტკიოდან გული და ვერც მომავალში შეიძლებენ გარდაქმნან თავი თავისი. ესენივერ გავიწვევენ გაბრიელობას და აღექსანდრეობას...

ჩვენ თუ ასეთ პირებზედ მივუთითებო, არა იმიტომ, რომ მათი პირობობა გვიანტერესებდეს, არამედ შეგვიგნოთ და შევავანებოთ სხვასაც, რომ საზოგადო საქმეს მივუ-

ჩინოთ გულწრფელნი მუშაკნი და არა ფარისევლნი. ჩვენ იმდენად გვიანტერესებენ ისინი, რამდენადაც ხელს უშლიდენ და დღესაც უშლიან საზოგადო საქმეს. ამ მხრივ რამდენადაც პატარა ადგილი უჭირავს კაცს, იმდენად ნაკლები ყურადღება აქვს და უნდა ჰქონდეს მას მიქცეული და ვისაც მაღლა სასანთლებზე უნდა დგომა, თუ თვითონ ვერ გაანათებს მიდამოს, სინათლას შუქს მაინც უნდა გაუძლოს.

ქარა განყოფა-განხეთქილებაა ჩვენი მიზანი, არამედ შეერთება საქ. ეკლესიის ნამდვილ გულშემატკივარ მოწინავე სასულიერო და საერო პირთა, მათი შეკავშირება, საერთო გეგმის და აზრის შემუშავება საეკლესიო და საზოგადოებრივ საკითხებზე. ჩვენ იმედი გვაქვს, რომ მორწმუნეთა საუკეთესო წარმომადგენლნი მოახერხებენ ამ ურთიერთ შორის შეკავშირებას და საერთო ენის გამონახვას, რომ მათ ხმას გასაუფალი და ფასიც ჰქონდეს საზოგადოებაში.

წიგნაკები-სათვის.

მოქალაქე ახუთელის წერილისა გამო („ახ. სიტყვა“ №2) ჩვენ დავბირდით მკითხველებს, რომ რედაქცია უმახლოეს დროში გამოსთქვამდა თავის შეხედულებას არსებულ ჯილდოების შესახებ.

მთავარი საკითხი ასეთია: ეძლეოდეს თუ არა ქართულ ეკლესიის სამღვდელეობას არსებული გარეგანი ჯილდოები? ჩვენ გვგონია, რომ ამ კითხვაზე ორი სხვა და სხვაწიერი პასუხი შეუძლებელია და ყოველ მოქალაქისთვის, სამღვდელთა იგი თუ საერო, ცხადია რომ თავისუფალ ეკლესიაში მოციქულების მოადგილე სამღვდელეობისათვის არავითარი გარეგანი ჯილდოები არ უნდა არსებობდეს გარდა სამწყსოს კეთილგანწყობილების და მადლობისა.

დანამდვილებით ვიცით, რომ იესო ქრისტე და მისი მოციქულები არც თვითონ ატარებდნენ და არც სხვებს ურიგებდნენ არავითარ ჯილდოს და, პირიქით, ტანისამოსით თუ სამკაულით გარეგნულად სრულიად არაფრით განირჩეოდნენ თანამედროვეთაგან.



თვით ჯილდოთა ისტორია შემდეგს გვეუბნება. საბერძნეთის ეკლესიაში, რომლისაგანაც ვადმოილო ჩვენმა ეკლესიამ საეკლესიო წესები და ჩვეულებანი, ჩვენებური, ქრონოლოგიურად პირველი, ჯილდო—საგვერდული (ნაბედრენიკი) არ არსებობდა. ეს რუსეთის შემოქმედებით ნიკის ნაყოფი გახლავთ. სკუფია და მკერდის ყვითელი ჯვარი რუსის იმპერატორმა პავლე პირველმა შემოიღო 1797 წ. 18 დეკემბერს. ბერძნული კამილაჟკა კლიმატიურ პირობებისა გამო იძულებითი მიბაძვაა იმ მრგვალ, მალალ და სქელ ტყავის ქუდისა, რომელსაც აღმოსავლეთში ყველანი ატარებდნენ მზის ცხარე სხივებისაგან თავის კანის დასაცავად, ხოლო რუსული კამილაჟკა ვადმოდებულია რუსეთისვე თავადების მაულის „კოლპაკიდან“. არც ერთ ამ სამკაულთაგანს ნამდვილი საეკლესიო სიმბოლიური მნიშვნელობა არა აქვს და არც ერთ მათგანს ჩვენი ეკლესია არა ხმარობდა. დეკანოზი ძველს საბერძნეთში ერქვა ისეთ ტაძრების წინამძღვრებს, სადაც მრავალრიცხოვანი კრებულნი იყვნენ. ეს წინამძღვრები ამავე ღროს დიდად განი-რჩეოდნენ კრებულის სხვა წევრთაგან ხნიერებით და გამოცდილებით, რასაც, ცხადია, არაფერი აქვს საერთო დღევანდელ დეკანოზობასთან, რომელიც მღვდელმთავარს შეუძლია მღვდლად კურთხევის დღესვე შესთავაზოს სრულიად გამოუცდელ ახალგაზდასაც. საქართველოში კი დეკანოზებად იწოდებოდნენ უმეტეს შემთხვევებში მძლავრ, სასწაულთ-მოქმედ ხატების შემსხვერპლენი, რომელნიც შეიძლებოდა ყოფილიყვნენ ერის კაცებიც, როგორც დღეს ხევსურეთშია. მიტრა, როგორც სამეფო გვირგვინის კომპილიაცია, დღეს, როდესაც „ცარიზმის“ იდეა დასამარდა, არ უნდა ეხუროს არამც თუ მღვდელს და ბერს, თვით მღვდელმთავარსაც კი, რომელიც სრული განხორციელება უნდა იყოს ქრისტიანულ სადაობის და ზე—კაცურ თავდაბლობისა. და ამ თვალსაზრისით მას, და მხოლოდ მას, ეკუთვნის ესრედ წოდებული ენქერი, რომელიც მსგავსებაა იმ პირსახოცისა, რითაც ქრისტემ მორჩილებითა ფერხნი დასწმინდა მოციქულებს საიდუმლო სერობის დროს. ყოველ

შემთხვევაში ენქერის საპამპულო ჯილდოდ ქცევა ცოლვაა..

სრულიად საქართველოს საეკლესიო კრებამ, სავწუხაროდ, ვერ მოასწრო ამ საკითხის მოწესრიგება. საკათოლიკოზო საბჭომაც დროზე ვერ მოიცალა ასეთ წვრილმანისათვის, — და ვიცით, რომ ზოგიერთმა ჩვენმა მღვდელმთავრებმა ფართოდ ისარგებლეს ძირითად დებულებათა სიჩუმით და წლის განმავლობაში ჯილდოები თავიანთ გულის სიუხვის სადემონსტრაციოდ და ყალბ მეგობრების შესაძენ იარაღად აქციეს..

ჩვენ ქვემოთ სიამოვნებით ვბეჭდავთ თბილელ მიტროპოლიტის ამიერიდან ისტორიულ რეზოლიუციას ჯილდოთა შისახებ. რასაკვირველია, გაცილებით უკეთესი იქნებოდა, რომ მეუფე ლეონიდი, როგორც თვითონ სწერს, „უსიამოვნო გამოჩაქლისად დარჩენილ იყო“ და არავინ დაეჯილდოებინა, ვინაიდან დანამდვილებით ვიცით, რომ ზოგიერთები მხოლოდ იმისათვის დაყაბულდნენ მიცემულ ჯილდოების მიღებაზე, რომ პატივცემულ მღვდელმთავრისთვის არ ეწყენინებიათ. მაგრამ ამ რეზოლიუციაში უმთავრეს ყურადღების ღირსი ის გარემოებაა, რომ თვით მთავრობასაც არსებული ჯილდოები „პრინციპიალურად არა სასურველად მიაჩნია“. მაშვისთვის არის საჭირო ისინი? სამწყოსთვის არა, ვინაიდან ერს არას გამოადგება უშინაარსო ნაშთი წეს-აგებულ რეჟიმისა. თვით დაჯილდოებულთათვის არა: ვინაიდან ისინი პირიქით ამაღლიან მღვდელმთავარს ასეთ დროში ჯილდოს მიღებას. საკათოლიკოზო საბჭო კი არსებითად ვერ გადაჭრის ასეთ საკითხს.

ამიტომ ჩვენ ასეთი წინადადებ შემოგვაქვს. საკათოლიკოზო საბჭომ ამაზე სრული მოხსენება წარუდგინოს მომავალ საეკლესიო კრებას, რომელიც უეჭველია მოსპობს ყოველსავე ჯილდოს და მაშინ წარჩინებულთ აეყაროს ყოველნაირი ჯილდოები საგვერდულიდან მოყოლებული დეკანოზობამდე, ვინაიდან დეკანოზობაც კი არ არის კურთხევა (ქირატონია), არამედ წესებრივი ხელდასხმა (ქიროტესია), რომელსაც საიდუმლოების ძალა და მნიშვნელობა არა აქვს.

ფიქრები გარდახვეწილისა.

სამ წელიწად ნახევარი ვიყავ მოშორებულ-
ლი ჩემ მიწა-წყალს, ჩემ მშვენიერს სამშო-
ბლოს... იშვიათად შევხვდებოდი ხოლმე ქა-
რთველ ალაიანს და ვინც უნდა ყოფილიყო,
თუნდ გადაშთიელი, სიხარულით მივესალმე-
ბოდით და მოვიკითხამდით ერთმანეთს და ნა-
ტვრა ჩვენი ის იყო, კიდევ შევეყროდით ერ-
თმანეთს და მალე დავბრუნებულობიყავით ჩვენს
სამოთხისებურ მხარეში. იქ წოდებას და პა-
რტიობას აღვილი არ ჰქონდა, მხოლოდ ქა-
რთველი ქართველს ვუძებრდით და საქართვე-
ლოს ამბებს ერთმანეთს ვუზიარებდით...

მარტის გასულზე გაზეთებიდან ამოვიკი-
თხე ჩვენი ეკლესიის თვით თავობის აღდგენის
ამბავი, ბავშვივით გულმა ჩქარაღო დამიწყო
და სიხარულის ცრემლებიც კი ვადმომცვივდა.
მნახველთ მიკითხინეს: ქართველები სეპარატი-
სტები ხართ, გამოყოფა გსურთ რუსეთიდან,
იმიტომ მოითხოვეთ და აღიდგინეთ კიდევაც
ავტოკეფალიაო. მომაგონდა ჩვენებური „მო-
კეთებები“: აქაც ხომ ამასვე გვიკითხებდენ, —
ღმერთმა აპატიოსთ.

ამ რამდენიმე კვირის წინ გახარებული
დავბრუნდი სამშობლოში: მამულის მოგონე-
ბამ და მის მალე ნახვის მოლოდინმა გზაში
განცდილი წვალება და ვაი-ვაგლახი აღვილად
ამატანია. მოვედი შინ და რა ვნახე: დაქუც-
მაცებული, პარტიებად დაყოფილი დაქს ქსული
ისედაც პატარა ჩემი ერი! შობილს მშობე-
ლისა არა ვყურება-რა და ნაშობი არ ინდობს
მშობელსა, მამული ჩავარდნილა განსაცდელში
და ჩვენებს კი—თავი მოაქვთ, ჩემი პარტია
უკეთესია, არა ჩემიო. დავ წყებიათ, ძალა ერ-
თობაშია, ხოლო ერთობა უნდა აშენდეს სი-
ყვარულზე და ერთმანეთის დახმარებაზედ. მა-
მულის წინაშე ვერძობას და პარტიობას აღვი-
ლი არ უნდა ჰქონდეს, მხოლოდ მაშინ ველი-
რსებით ნატვრის შესრულებას, მამულის აყვა-
ვებას...

ი. ჩეკურაშვილი.

1. მარტი.

იმერეთის ეპისკოპოსი გაბრიელ.

ოცდა ორი წელიწადი შესრულდა ამა
1918 წლის 26 იანვარს, რაც გარდაიცვალა
სულ მნათი გაბრიელ ეპისკოპოსი.

ფას დაუდებელია გაბრიელის შრომა ყო-
ველთვის და ყოველ დარგში ჩვენს ქვეყანაში.
საითაც შეიქრებოდა იგი, ყველგან სინათლეს
ჰფენდა, ყველაფერში მისი გამჭირაბი გონება
დაღს აჩენდა. ის მარტო სიტყვით კი არა,
საქმიანაც იყო უბაღლო, თავ-დაუზოგავი
მწყემსი, სიტყვის ფართე მნიშვნელობით.
მან ხომ სახარებასა-მებრ „სული დასდო ცხო-
ვართათვის“. ეს იმ დროს, როცა ყველასთვის
თქმადა საქმიანობა შეზღუდული, შეკვეცილი
იყო. მაშინ „ყველას საცო ვდო პირზე და
კარი ძნელი ბაგეთა მათთა“.

მოვიყვან ამჟამად მხოლოდ ერთს ნიშნებს
იმის მოღვაწეობისას სამშობლო ენის წარმა-
ტებისათვის. 13 ქრისტეშობისთვის 1868 წ.,
№ 3598 ქვეშე ცირკულიარულათ ის შემდეგს
უწერს „ბლალაჩინებს“: „მიკვირსფრიალ-იმე-
რეთის ეპარქიის სამრევლო მღვდლებთა გულ-
ღვრილობა ყოველთა ზედა სასარგებლო
საქმესა და სწავლის შეძენასა. წინეთ ამისა
მე ვაცნობე ბლალაჩინებს, რომ თფილისში
იბეჭდება სასოფლო გაზეთი „რომელიც“ ფრიალ
საქირო და სასარგებლო არის სოფლის მცხო-
ვრებთათვის და წინადადება მივეცი გამოწერა
მისი, მაგრამ აქობამდე არავისაგან არ ისმის
არაფერი... ახლა ფასი იმა გაზეთისა მომავალი
წლიდან შემცირდება ვიდრე ოთხ მანეთამდე
წელიწადში. მართალია თითო პირს გაუძნე-
ლდება გამოწერა, მაგრამ შეიძლება რომ
ოთხმა სამღვდელომ ერთი ექვსმპლიარი გა-
მოიწეროს; ამ სახით თითო მღვდელს ხ დება
წელიწადში ერთი მანეთი, რომელიც არავის-
თვინ არ იქნება დასამძიმებელი.

გაცნობებ რა ამისათვის, ვიმედოვნებ რომ
თქვინ ეცდებით შეეწიოთ ესრეთსა კეთილსა
საქმესა სამშობლო ენის წარმატებისათვის
(ხაზი ჩვენია). შემდგომისათვის მაცნობეთ ორი
კვირის განმავლობაში.



გაბრიელ ეპისკოპოზი იმერეთისა.“

ასეთი იშვიათი ენერჯის მქონე და ქე-
შმარიტი მოძღვარი დაჰკარგა საქართველომ
ამ ოცდა ორი წლის წინეთ.

კ. გძელი.

სამწუხარო წვრილმანები.

მთელი წლის გარემოებათა მიმდინარეო-
ბამ საქმარისზე მეტად დაამტკიცა, რომ მა-
რტო თვით თავობის მოპოვება და მმართველ-
თა სახელების და ფორმის გამოცვლა არა
კმარა. პირიქით, ეს გარეგნული ზეიმი, რო-
მელიც ძლიერ იაფად გვერგო საერთო რევო-
ლიუციის წყალობით, ერთის მხრით მავნე-
ბელიც აღმოჩნდა: მან ჩვენ დაგვათრო და
გავვაბრუა, ჩვენი თავი ძლივეამოსილ გმირე-
ბად მოგვაჩვენა, ხანგრძლივ შესასვენებლად
გავვაჩერა, შემოქმედებითი ალტაცება გავვი-
ნელა და თვითმოქმედების მაჯა მოგვიდუნა,
სულ ერთია. ჩვენს მაგივრად ისინი გააკეთე-
ბენ, ვინც ჩვენ სამოქმედოდ ავირჩიეთო...

გასაკეთებელი კი ბევრი და ძლიერ ბე-
ვრიცა გვაქვს: ძირითად რეფორმებიდან და-
წყებული უბრალო, გარეგნულ, პირველ შე-
ხედვით უმნიშვნელო, მაგრამ დამახასიათებელ
წვრილმანებამდე. სწორედ ამ გარეგნულ
წვრილმანებზე მსურს შევაჩვრო ამ ჟამად მკითხ-
ველის ყურადღება, ვინაიდან ხშირად დიადი
საქმეები წვრილმანებით ამოიწურება. ცნო-
ბილია: ზღვა წვეთებისაგან შესდგება!

მაგალითად, ვიცით, რომ ქართველობა
რუსეთის სინოდისაგან განთავისუფლდა და
სლავური ენა ჩვენთვის უცხო გახდა. ყველა-
ფერი სხვა მოსალოდნელია, განდიდებიდან
სულ განადგურებამდე, მაგრამ ყოვლად შეუ-
ძლებელია აღსდგეს ის და იმნარი ურთი-
ერთობა ჩვენის ეკლესიის და რუსეთის სინო-
დის შორის, რომელიც არსებობდა 1917 წ.
მარტამდინ. მაშ რა მიზეზია, რომ დღეს ც,
დამოუკიდებლობის მეორე წელიწადს, პავლე
პირველის 1797 წლისა და ნიკოლოზ მეო-
რის 1895 წლისა რუსული სტილის და სლა-
ვურად ზედწარწერილი ჯვრები უმშვენებენ

გულ-მკერდსა ჩვენს სამღვდელოებას?!? ხუ
თუ ეს ჯვარი არ უნდა შეცვლილიყო სხვა
სახით თუ 1917 წლის 12 მარტს, 8 ენკენი-
სთვეს და 1 ლენინობისთვეს არა და ვერა, ამა
წლის 11 მარტს მაინც. მასალის უქონლობა
და სიძვირე აქ საბაბად მოსატანი არ არის:
საბედნიეროთ, ისეთი ზომის ჯვრები ჩამოუ-
სხმევენებია სინოდს, რომ, თუ გონიერის
პლასტიკის ნორმას დავიცავთ, თვითეულ ჩვენი
ჯვრიდან წმ. ნინოს ჯვრის ხუთიექესი ნო-
რმალური ნასახი გამოვიდოდა. მაშასადამე,
ეროვნულ ჯვარსაც შევექმნიდით და ჯვრებ-
საც იაფად შევიძენდით. მაგრამ კერძო ინი-
ციტივა და გემოვნება ამ შემთხვევაში უხერ-
ხულია, -- და დღესაც არხეინად ვატარებთ წმ.
სიმბოლოს ისეთ ნასახს, რომელიც გვაგო-
ნებს სამარცხვინო მონობის ხანას და რეკლა-
მისებრ აქვეყნებს ჩვენს უმოქმედებას.

მაგრამ თუ მკერდის ჯვრებში ერთგვა-
რობა მაინც არის დაცული, საეკლესიო ბე-
ქდის საქმეში უმწერვალესი თავისუფლება
მიუცია სამღვდელოებისათვის რუსეთის სი-
ნოდს და ვის როგორც მოპრიანებია, ისეთი
ბექედნი გაუჩენია. აქ ნახავთ ყოველ გვარ
მოხაზულ მოხატულებას ბიზანტიის სტილი-
დან სპარსულ ორნამენტამდე და სწორედ ბა-
ბილონის გოდოლის დროისებურ ენაზედ:
სლავურად, რუსულად, ხუცურად და მხედ-
რულ-ქართულად. მერე რა გნებავეთ არ ეხა-
ტოს ზედა: მრავალ გუმბათიანი თუ სრულიად
უგუმბათო საყდარი, არწივი, ჯვარი, გვირ-
გვინი და ხან სულ არაფერი, ჯუჯრუტანების
გარდა. და აკი ამიტომაც ხალხმა შესაფერისი
წარმოდგენა შეიმუშავა ჩვენს ბექედზე: ძველ
გალესილ შაურთანს რომ ნახავენ, ეკლესიის
ბექედად გამოდგებოა, იტყვიან ხუმრობით...
ხუ თუ საქმარისი დრო არ გასულა, რომ
შეგვემუშავებინა ნამდვილი ქართული, ნამ-
დვილი საეკლესიო ბექედი!? თუ ისევ კერძო
პირთა ფანტაზიის დაფუთმოთ ადგილი?

ესრედ წოდებულ საბლანკო შტემპელე-
ბის ნაირნაირობაზე ლაპარაკიც მეტია. პრო-
ვინციებს და სოფლებს რომ თავი დავანებოთ,
თვით ჩვენ სატახტო ქალაქში -- თბილისში თუ
ზოგიერთ წინამძღვრებმა თავისი ნებით შე-

მოიღეს წარწერა: „სრულიად საქართველოს საკათოლიკოზოჲ,—სხვები, სათანადო განკარგულების უქონლობისა გამო, არხენად განაგრძობენ „ვედომსტვო პრაეოსლაფნადო ისპოვედანია“-ს სახელით მიწერ-მოწერას. აქიდგან წარმოიდგინეთ, რა სხვადასხვაობა იქნება ამ მხრივ სოფლებში. ნუ თუ ეს საკითხი პირველს დღეებშივე მოწესრიგების ღირსი არ იყო!?

დაუმატეთ ამას ისიც, რომ არ ვიცით, ვატაროთ თუ არა იმ ჯილდოების ნიშნები, რითაც უხვად დაუჯილდოვებივართ სინოდს და ექსარხოსებს, რა ჯილდოები დარჩა და რომელი მათგანი მოისპო. სწორედ არ ვიცით, როგორ და რა წოდებით უნდა ვიხსენიებდეთ წირვა ლოცვაზედ ჩვენს მთავრობას, პატრიარქ-კათოლიკოზსა, მიტროპოლიტებს და ეპისკოპოსებს,— და იძულებულნი ვართ, ზოგმა სიონის ტაძარში ვიკრიბოთ, აბა ყური მოვკრა, იქ როგორ იხსენიებენო, ზოგმა სხვებს, ჩვენსავით ბუნდოვანად მცოდნეთ მივბადოთ და ზოგმა კიდევ სრული თავისუფლება მივცეთ ჩვენს ფანტაზიას და ისე მოვიხსენიოთ, ვისაც როგორაც ჩიგვაგონებს საკუთარი პოეტური ნიჭი.

რასაკვირველია, ეს ყველაფერი წვრილმანია. მაგრამ წვრილმანი სხვადასხვანაირია. ზოგი დამახასიათებელი წვრილმანი უსიცოცხლო მსხვილმანზე ყურადსადებია. ზემოდ ჩამოთვლილი წვრილმანები სამწუხარო წვრილმანებია პრაქტიკულ მნიშვნელობისა და ამიტომ ჯერ არს ყურადღება მივაქციოთ მათ ეხლა მაინც, როცა წლის თავი გადავიხადეთ და იურიდიულ ჰისაკში შევდგით ფეხი.

ახელი.

გ ა ნ თ ი ა დ ი.

(სუხტი შიბაძვა აკაკისა)
ცა-ფირუზ, ხმელეთ-ზურმუხტო,
ქართველთ აკვანო მხარეო,
კმაგეყო მრავალ წამებულს,
რაც დღემდე ცრემლი ღვარეო!
კვლავ გაგინათლდა წყვილიადი,
შეგემყო არე-მარეო.

აგიყვავილდა წილი,
მოწალკოტ—მოზიანარეო.
გელირსა, რასაც ჰნატრობდი
იღუმალ გულ მდუღარეო:
შენს სახლში გერად აღარ ხარ,
სხვის ნებად მომნაბარეო,
თავის თავადი შეიქენ,
დასტკბი და გაიხარეო!

აბა შენ იცი, სულისდგმავ,
სწორ უპოვარო მხარეო,
ვით შეიფერებ ამ მადლსა,
როგორც შინ, ისე გარეო!
ნატერის თვალს მოვლა სჭირია,
თან დაცვაც ერთობ ცხარეო...
აქ გინდა გმირთა გმირობა
და გული მგრძობიარეო,
გამქრიახობა, გაქვრეტა,
ნამუსის სინარნარეო,
მსხვერპლი, მოწამის გვირგვინი,
ბრწყინვალე მოელვარეო.
უმსხვერპლოდ მზე არ იმხვევებს,
არცა გიმთვარებს მთვარეო,
არ შეგვივრდომებს ის დროშაც,
რომლის ქვეშ შეეფარეო!


ამაღლდი, აბუმვარაზდი,
აეგზენ, ტურფა მხარეო,
გაერთდი, გაკაჟ-ფოლადდი,
ექვები უკუ ჰყარეო,
ხელთა აიღე ფარ-ხმალი,
გმირულ ღვაწლს დაეჩქარეო,
და შეიმტკიცე ის მაღლი,
რომელსაც ეზიარეო!
კურთხეულმც იყავნ ამ გზაზედ,
თვალთა სინათლე მხარეო,
ავცდეს კვლავ ყოფნა ბაბილონს
და მუნ ტყვეობა მწარეო!

მლ. ლ. წულაძე.

მარტის ზ-ს ჩშიც.
ს. ქანქათი.

ქ რ ო ნ ი კ ა

— ტრაპიზონის სამშვიდობო კონფერენციის მეოთხე სხდომაზედ ჩვენის დელეგაციის თავმჯდომარემ აკ. ჩხენკელმა შე-



მღევი განაცხადა: „ამ უმად ამიერკავკასიაში მოქმედებს კანონი სინილისის თავისუფლების შესახებ. კონსტიტუცია, რომელსაც სემი იმუშავებს, უტყველად გამოჰყოფს ეკლესიას სახელმწიფოსაგან და მოსპობს მართლ-მადიდებელ ეკლესიის ბატონობის ნაშთებს“.

ვისაც ასხენ ყურნი სმენად, ისმინენ! დროა სამრევლოებმა საზღვარ გარეთისებურად ისე მოაწყონ საეკლესიო მეურნეობა, რომ მათი მოძღვრები ხაზინას არ შესცქეროდნენ თვეში რაღაცა ოციოდე მანეთისათვის.

— თბილისის სამიტროპოლიტო საბჭოს ოქმს, ეპარქიის ოცდა ათამდე სასულიერო პირის დაჯილდოების შესახებ, თბილელმა მიტროპოლიტმა ლეონიდემ შემდეგი რეზოლიუცია დაწერა: „8 მარტს 1918 წ. როგორც მე, ისე თბილისის საეპარქიო საბჭოს წევრებს პრინციპიალურად არა სასურველად მიგვაჩნდა და დღესაც მიგვაჩნია ძველებურ წესით დაჯილდოება სამღვდელოებისა. ამის გამო თბილისის ეპარქიაში ჯერ თითქმის არავინ დაჯილდოებულა. მაგრამ რადგანაც, ერთის მხრით, საქართველოს ეკლესიის მართვა-გამგეობის დებულება არ იძლევა დადებითს პასუხს ამის შესახებ, ხოლო, მეორე მხრით, ყველა ქართველი მღვდელმთავრები განაგრძობენ ხელქვეით სამღვდელო პირთა დაჯილდოებას, მეც, რომ უსიამოვნო გამონაკლის დ არ დავჩე, ვიდრე საკათოლიკოზო საბჭო ინებებს სამღვდელო პირთა დაჯილდოების შესახებ გადაჭრილ დადგენილებების გამოტანას, რის მოსახდენათაც მახლობელ მომავალში აღძრულ იქნება ჩემიერ უუამდგომლობა, — ვასაჩუქრებ წარმოდგენილ სასულიერო პირებს ქურნალში აღნიშნულ დაჯილდოებით“.

— ხარფუსის სამრევლო საბჭოს მრევლთა შორის უმწველთათვის დამხმარებელმა კასამ უკვე დაიწყო მოქმედება. მისცა ამ თვეში პურის სასყიდლოთ: 1) ისაკ გურგენიძის ობლებს — 20 მ.; 2) გრიგორი კოვლელაშვილის — 15 მ.; 3) მარე ბეჩინიძის 10 მ.;

4) ალექსანდრე კეშაშვილის 10 მ.; 5) ქვირივ ანასტასია აივაზოვისას 10 მ. და 6) ობოლ ქეთო ბერძენოვს 20 მ. კასაში დარჩა კიდევ 105 მ.

— 6 მარტს შესდგა საკათოლიკოსო საბჭოს და სასამართლოს შეერთებული კრება, რომელმაც სხვა საკითხთა შორის განიხილა საქმე ბერ მონაზვნის მირიანის და მლ. ტიმოთე ბაკურაძისაგან 4 მარტს ტაძარში წირვის დროს შეუსაბამო ქცევის შესახებ და ერთხმად დაადგინა: აღნიშნულ სამღვდელო პირთ დროებით აეკვეთოს მღვდელმსახურება და დაევალოს სათანადო საეპარქიო საბჭოებს გაარჩიონ მათი საქმე შესაფერ მსჯავრის დასადებად.

— თბილისის საოლქო სასამართლოს და სამიტროპოლიტო სასამართლოს წევრმა პეტრე ბესარიონის-ძე კიზირიამ ტფილისელ მიტროპოლიტს ლეონიდეს ამ დღეებში შემდეგის წერილით მიმართა:

— „სასამართლო დაწესებულებათა დაფუძნების 246 მუხლის ძალით (Учрежд. суд. установл.) მე, როგორც სამოქალაქო სასამართლოს წევრს, არ მაქვს უფლება ვიმსახურო სხვა დაწესებულებაში და ამისათვის გთხოვთ უმორჩილესად, თქვენა ყოვლად უსამღვდელოესობავ, შეიტანოთ საბჭოში წინადადება ჩემი საეპარქიო წევრობიდან განთავისუფლების შესახებ. ვწუხვარ გულწრფელად, რომ კანონი მიშლის განვაგრძო ჩემთვის ფრიად სასიამოვნო თანამშრომლობა თქვენის ყოვლად უსამღვდელოების ბრძნულის და ლმობიერის ხელმძღვანელობის ქვეშ.“

— უკვე შეკვეთილია საკათოლიკოსო საბჭოს განკარგულებით ქართულ ოდიკის დამზადება, მაგრამ საქმე ლიტოგრაფიის მხრივ სხვა და სხვა გარემოებისა გამო ჯერ-ჯერობით ბრკოლდება.

— ამიერ კავკასიის კომისარიატმა შეიტყობინა საკათოლიკოსო საბჭოს, რომ ქა-



რთველ სამღვდლოებას გაეხსნა ჯამაგირების კრედიტო ძველებურ ანგარიშით, თბილისის სახანო პალატიდან 338,252 მან. და ქუთაისში 495,371 მან.

— თბილისის პეტრე-პავლეს სასაფლაოს ეკლესიის სამრევლო საბჭომ ასი მან. გადასლო ეკლესიის თანხიდან „ახალ სიტყვის“ საგამომცემლო ფონდის გასაძლიერებლად.

— თებერვლის და მარტის განმავლობაში საკათოლიკოსო საბჭოს და სასამართლოს კრებები წარმოებდა ტფილელ მიტროპოლიტის თავმჯდომარეობით.

— 22 მარტს საკათოლიკოსო საბჭოს განკარგულებით დაქერილი იქნა ყოფილ სასინოდო კონტორის და საეგზარხოსო კანცელარიის არხივები, შენობები და მოძრავი ქონება. რექტორის, დეკ. კ. კეკელიძის განკარგულებით ჩაბარებულ იქმნა ტფილისის სასულიერო სემინარიის შენობები და ყველა მოძრავი ქონება, რომელიც ჩამოერთვა რუსების წარმომადგენელთა ეკანომისს.

— სრულიად საქართველოს პატრიარქ-კათოლიკოსი კირიონ მეორე, ავანტყოფობის შემდეგ, 28 მარტს პირველად დაესწრო საკათოლიკოსო საბჭოს სხდომას. სხვათა შორის ასარჩევი იყო საბჭოს კანცელარიის გამგე; მისმა უწმინდესობამ ამ თანამდებობაზე დაასახელა ყოფილ სინოდალურ კანტორის მდივანი ალექსი დავითაშვილი, იმავე კანტორის პროკურ. პოპოვის და პროფ. ბენეშევიჩის მარჯვენა ხელი. წევრებმა კი დაასახელეს ქვაშვეთის ტაძრის წინამძღვარი დეკ. კალ. ცინცაძე. ხანგრძლივ კამათის შემდეგ ერთხმად, წინაღობა ერთისა, არჩეულ იქმნა მამა ცინცაძე, რასაც ქართველი სამღვდლოება სიამოვნებით ეგებება.

პროვინციის ცხოვრება.

I.

1917 წლის ქრისტესობის თვის 19 ქ. ზესტაფონის საზოგადო. საკრებულოში თავი

მთეყარა ორი ოლქის სამღვდლო და საეკლესიო მსახურთ. მათი დღიური ჭარ-ვარამი გახლდათ „პური არსობისა“ დიდი კამათის შემდეგ ამოირჩიეს კომისია და მიანდევს მას ამ საკითხის იქვე გადაწყვეტა. კომისიამაც აიღო დაილო ეს საკითხი, და ერთის საათის შემდეგ შემოიტანა კრებაში სახელ-დახელოდ „გამომცხვარი ნიხრი“, რომელიც ერთხმად იქმნა მიღებული კრებისაგან. როცა იქ ერთმა დამსწრეთაგანმა გამოთქვა აზრი ამის შესახებ, რომ ეს დაღვენილება ნაჩქარევია, ამას დიდი აწონ-დაწონა, გამოძევა—გამორკვევა სჭირია და რომ უმთავრესად ასეთი რთული საკითხი უპირველესად მრევლის დასტურით უნდა სწყდებოდეს, რადგან ეს მის ჯიბეს ეხება და ჯიბეში სხვისი ხელის ფათური არაა საკადრისიო, ადგა ერთი „ნაჩინოვნიკარი“ სულიერო მამა და რიხიანად განაცხადა: შორს ჩვენგან აპეკუნობა, ვექილობა; ჩვენთავს ჩვენე უნდა მოუაროთ, ვინ რა გაგვიკეთა, ზოგი მაძღარია და ის თავის ჭკუაზე მღერისო და სხვა და სხვა ლითაიებით შეამკო მოლაპარაკე. ამ მოძღვარს მეორე „შეგნებულმა მწყემსმა“ კვერი დაუკრა. კრებამ ნიხრის დამტკიცების მერე მოითხოვა ოქმში შეეტანათ შემდეგი: ის მღვდელი, რომელიც ამ მიღებულს ნიხრს (ჯვარის წერა 50 მ. წესის ასაგები 70 მ. და სხ.) დაარღვევს და მაზე ნაკლებს გადაახდევინებს მრევლს, ჯარიმათ გადაიხდის რამოდენიმე ას მანეთსო.

ასე წარმოიდგინეთ: თქვენ გინდათ ვისმე პატივი სცეთ, არაფერი გადაახდევინოთ მღვდელ-მოქმედებაში და ამის უფლებას კი არავინ განიჭებს! ეს ნეტავი რომელი რევოლიუციის ნაყოფია!...

ნაყოფიერი მუშაობაც ამას ჰქვია!..

კ. გძელი.

გამომცემელი „ახალ სიტყვის“ სარედაქციო კოლეგიის რწმუნებული მღ. ქრ. ციციშვილი.